

萬 有 文 庫

第二集七百七種

王 雲 五 主 編

毛 詩 注 疏

(八十)

毛 鄭
亨 玄
傳 箋
疏 達 穎 孔

商 務 印 書 館

学院图书馆
书章

毛詩注疏

(八十)

毛鄭
孔穎
達
傳
義
疏

書影本基學國

附釋音毛詩注疏

卷十八〔十八之一〕

蕩之什詁訓傳第二十五

毛詩大雅

鄭氏箋

孔穎達疏

蕩召穆公傷周室大壞也。厲王無道，天下蕩蕩，無綱紀文章，故作是詩也。

○蕩蕩，唐黨反。召、時照反。
本又作邵。卷內召公召作皆同。

〔疏〕

蕩八章章八句至是詩。○正義曰。蕩詩者。召穆公所作。以傷周室之大壞也。以厲王無人君之道。行其惡政。反亂先王之政。致使天下蕩蕩然法度廢滅。無復有綱紀文章。是周之王室大壞敗也。故穆公作是蕩詩。

以傷之。傷者刺外之有餘哀也。其恨深於刺也。瞻仰召旻。皆云刺幽王大壞。此不言刺厲王。而云傷周室者。幽王承宣王之後。父善子惡。指刺其身。此則厲王以前。周道未缺。一代大法。至此壞之。故言傷周室大壞。此經八章。皆是大壞之事。首句言蕩蕩。爲下之總目。故序亦述首句。以爲一篇之義。言天下蕩蕩。無綱紀文章。綱紀文章。謂治國法度。聖人有作。莫不皆是。此經所傷。傷其盡廢之也。

蕩蕩上帝下民之辟

上帝。以託君王也。辟。君也。箋云。蕩蕩。法度廢壞之貌。厲王乃以此居人上。爲天下之君。言其無可則象之甚。○之辟。必亦反。注同。沈云。毛音婢益反。

疾威上帝其命多辟

疾病人矣。威罪人矣。箋云。疾病人者。重賦斂也。威罪人者。峻刑法也。其政教又多邪辟。不由舊章。○辟。匹亦反。本又作僻。注同。斂。力豔反。駿。荷閏反。本亦作峻。邪。似嗟反。

天生烝民其命匪諶靡不有初鮮克有終

其。誠也。烝云。烝。衆、鮮、寡、克、能也。天之生此衆民。其教道之非。當以誠信。使之忠厚乎。今則不然。民始皆庶幾於善道。後更化於惡俗。○烝。之承反。諶。市林反。鮮。息淺反。注同。道音導。本亦作導。

〔疏〕 蕩蕩至有終。○正義曰。穆公傷厲王無道。壞滅法度。言今蕩蕩然廢壞法度者。上帝之君王。乃以此無法度。而爲下民之君也。又言王無法度之事。重賦斂以疾病人。峻刑法以威罪人。如此者是上帝之君王。又

其下政教之命。甚多邪僻。言其無法度。不由舊章也。元本天之生此衆民。其使人君爲政化之命以教導之。非欲使之誠信乎。言天欲使之誠信。今王以邪僻教之。故民皆無復誠信。無不有其初心。欲庶幾慕善道。少能有其終行。今皆化從惡俗。是違天生民立教之意。故所以傷之也。○傳上帝至辟君。○正義曰。上帝者。天之別名。天無所壞。不得與蕩蕩共文。故知上帝以託君王。言其不敢斥王。故託之上帝也。板傳曰。上帝以稱王者。桑柔傳曰。昊天斥王。然則王稱天帝。詩之通義。而言託者。以下章不敢斥言。乃假文王咨商。明知此亦不斥。故變言託耳。其實稱帝亦斥王。此下諸章。皆言文王曰咨。此獨不然者。欲以蕩蕩之言爲下章摠目。且見實非殷商之事。故於章首不言文王。以起發其意也。辟君。釋詁文。○箋蕩蕩至之甚。○正義曰。蕩蕩是廣平之名。非善惡之稱。若論語云。蕩蕩乎民無能名焉。洪範云。王道蕩蕩。言其無復惡事。善事廣平。是蕩蕩爲善也。此序言蕩蕩無綱紀文章。言其除去善事。知此蕩蕩是法度廢壞之貌。釋訓云。蕩蕩。僻也。孫炎曰。蕩蕩。法度廢壞之僻。取此箋爲說也。○箋疾病至舊章。○正義曰。此申說傳意也。人以財貨而生。財盡則人困病。故知疾病人者。重賦斂也。君以刑法威人。法峻則人得罪。故知威罪人者。峻刑法也。君之於人。唯此而已。故知是此二事也。峻者高險之名。謂重其科禁。不可登陟。如山之陵阪然。其政教又多邪僻。不由舊章。不依周公所制典禮。先王所行舊法也。○傳諶誠。○正義曰。釋詁文。○箋烝衆至惡俗。○正義曰。烝衆。鮮寡。皆釋詁文。克能。釋言文。言天意欲使人君發命教民。當以誠信忠厚。既本天意。又傷今政。言當今之民。皆有始無終。是由人君不施忠厚之命。

而下邪僻之教。故民化於惡俗。教之使然。以王政不順天。故反覆言之。民始皆庶幾於善道。言民生自有此性。後更化於惡俗。謂君政令之變改。言靡不爲盡然之辭。鮮克爲少有之稱。文不同者。容有君子不改其操。故言鮮之。

文王曰咨咨汝殷商。曾是彊禦。曾是掊克。曾是在位。曾是在服。

咨、嗟也。彊禦、彊梁禦善也。掊克、自伐而好勝人也。服、服政事也。箋云。厲王弭謗。穆公朝廷之臣。不敢斥言王之惡。故上陳文王咨嗟殷紂。以切刺之。女曾任用是惡人。使之處位執職事也。○禦、魚呂反。掊、蒲侯反。聚斂也。徐又甫垢反。好、呼報反。朝、直遙反。下朝廷同。

天降滔德。女興是力。

天、君、滔、慢也。箋云。厲王施倨慢之化。女羣臣又相與而力爲之。言競於惡。○滔、他刀反。漫也。漫、亡諫反。本亦作慢。又作嫚。下同。一音亡半反。倨、居庶反。○

〔疏〕

文王至是力。○正義曰。穆公傷王之惡。又不敢斥言。昔文王以紂政亂。數嗟嘆之。故穆公假爲之辭。以責厲王。言文王恨紂。始言曰咨。咨嗟乎汝殷商之君。汝爲人君。當任用賢者。何曾以是彊梁禦善之人。何

曾以是矜拾好勝之人。曾任用二者惡人。使之在位執職事乎。既責其君任非其人。又責此臣助君爲惡。言比天之王者。此倨慢之德化。已自惡矣。汝等何爲起是氣力而佐助之。以其同惡相成。故至於大壞。所以傷之也。○傳咨嗟至政事。○正義曰。咨是歎辭。故言嗟以類之。非訓爲嗟也。彊梁者。任威使氣之貌。禦善者。見善事而抗禦之。是心不嚮善。不從教化之人也。自伐解一掊。女勝解克。定本倍作掊。掊卽倍也。倍者。不自量度。謂已兼倍於人。而自矜伐。論語云。願無伐善。是也。克者勝也。已實不能。恥於受屈。意在陵物必勝而已。如此者謂之克也。釋詁云。服、事也。且在服與在位對文。故知服政事謂非徒備官。又委任之也。○箋厲王至職事。○正義曰。民勞亦穆公所作。皆斥王惡。此篇獨畏弭謗。不斥言者。民勞之詩。汎論王惡。欲王惠中國以綏四方。其惡非深。不須假託。蕩則陳王凶暴。將至滅亡。號呼沈湎。俾晝作夜。其言既切。故假文王。至如家父作誦。自

著己名。凡伯芮伯。直言不諱者。其人既異。所作有殊。二章箋獨言厲王者。以假託文王。咨嗟殷紂。不得下言厲王。六章以下。言殷紂者。以小大近喪。顛覆滅亡之事。故指言殷紂。又經之設文。須有足句。四言曾是。其義爲一。故箋并言之。汝曾任用是惡人。使之處位執職事也。言曾者。謂何曾如此。今人之語猶然。○傳天君滔慢。○正義曰。天君。釋詁文。以言汝與是力責臣。明是人君。非上天也。虐君所下。明是慢人之德。故以滔爲慢也。○箋厲王至於惡。○正義曰。此箋言厲王。自下單言王。省文也。在身爲德。施行爲化。內外之異耳。相與而力爲之。定本作相與而力爲之。

文王曰咨咨女殷商而秉義類彊禦多懟流言以對寇攘式內。

對。遂也。箋云。義之言宜也。類。善、善、式、用也。女。執事之臣。宜用善人。反任彊禦衆懟爲惡者。皆流言謗毀賢者。王若問之。則又以對寇盜攘竊爲姦宄者。而王信之。使用事於內。○懟。直類反。攘。如羊反。宄音軌。

侯作侯祝靡屈靡究

作。祝。詛也。屈。極、窮也。箋云。侯。維也。王與羣臣乖爭而相疑。○日祝詛。求其凶咎無極已。○作。側慮反。注同。本或作詛。祝。周救反。

〔疏〕

文王至靡究。○毛以爲文王曰咨。咨嗟汝殷商。汝秉執政事之臣。宜用善人。何爲不用善人。反更信任彊禦衆懟爲惡之人。爲流言以遂成其惡事者。又寇盜攘竊。爲姦宄之人。王信任之。使用事於內。小人用事。

數相謗毀。遂令君臣乖爭。以致相疑。維爲是詛。維爲是祝。求告鬼神。令加凶咎。無有終極窮已之時。置小人於朝。以祝詛求一言。是綱紀廢滅。可傷之甚。○鄭唯流言以對爲異。言此彊禦衆懟爲惡之人。作此流言。謗毀賢者。若王問賢人。則以此謗毀而對。使王不得用之。餘同。○傳對遂。○正義曰。釋言文。○箋義之至於內。○正義曰。凡言義者。允於事宜。故云義之言宜。以義爲宜。則而爲汝矣。類善。釋詁文。式用。釋言文。衆懟爲惡者。懟。謂很戾。戾非一人。故言衆也。此彊禦衆懟之人。不但很戾而已。又皆流言語以謗毀賢者。王若問之。則又以對。謂就此衆懟之人問賢人之行。則又以謗毀之言對王。令王不用之。使賢者黜退也。既退賢者。乃進其黨類。故寇盜攘竊。爲姦宄者。進在王朝。而信之使用事於內也。上言執事。下言用事於內。則執事者亦在內矣。但執事者舊在王朝。用事者後來之人。以小人後至。而自外入內。故云式內以充之。言寇攘者。費誓注云。

寇、劫取也。因其亡失曰攘。盜竊則攘名。故箋以盜竊配之。○傳作祝至究窮○正義曰。作卽古詛字。詛與祝別。故各自言侯。傳辨作爲詛。故言作祝詛也。屈極。究窮。皆釋言文。○箋侯維至極已○正義曰。釋詁云。維、侯也。故侯得爲維。上言用惡人在官。此言詛祝。明是王與羣臣。乖爭相疑。而祝詛也。靡屈靡究。言其無窮已之時。故知日日爲之也。詛者盟之細事。用豕犬雞三物。告神而要之。祝無用牲之文。蓋口告而祝詛之也。皆是情不相信。聽以明神。若有犯約。使加之凶禍。故云求其凶咎無極已。

文王曰咨咨女殷商女魚休于中國斂怨以爲德。

魚休猶彭亨也。箋云。魚休。自矜氣健之貌。斂聚羣不逞作怨之人。謂之有德。而任用之。○魚、白交反。然、火交反。亨、許庚反。逞、勅領反。

不明爾德時無背無側。

背無臣。側無人也。箋云。無臣無人。謂賢者不用。

爾德不明以無陪無卿。

無陪貳也。無卿士也。○陪、本又作培。蒲回反。

〔疏〕文王至無卿○正義曰。言文王曰咨。「咨汝」殷商。汝既官不得人。徒彭亨然自矜莊。以爲氣健。在於中國。斂聚此志意不逞。好作怨之人。以爲有德。而任用之。由其任用惡人以爲德。故不光明汝王之德也。

正由背後無良臣。傍側無賢人也。故又言汝王之德所以不光明者。以其無陪貳大德之公。無幹事明哲之卿故也。王何故聚此小人。使之用事。○箋魚休至用之○正義曰。魚休是人之形狀。故言自矜莊氣健之貌。與傳彭亨一也。上章言用惡人在官。下章言傍無賢人。故知斂怨以爲德。謂聚羣不逞作怨之人。謂之爲有德。而任用之。羣不逞。襄十年左傳文。逞、快也。謂志意不快。好作怨禍者也。○傳無陪至卿士○正義曰。陪貳。謂副貳。王者

則三公也。卿士謂六卿也。昭三十二年左傳曰。物有陪貳。天生季氏。以貳魯侯。諸侯以上卿爲貳。則知天子陪貳。唯三公也。冢宰雖亦貳王治事。當從卿士之列也。

文王曰咨咨女殷商。天不湏爾以酒。不義從式。

義。宜也。箋云。式。法也。天不同女顏色以酒。有湏於酒者。是乃過也。不宜從而法行之。○湏。面善反。徐莫顯反。飲酒齊色曰湏。韓詩云。飲酒閉門不出。客曰湏。

既愆爾止。靡明靡晦。式號式呼。俾晝作夜。

使晝爲夜也。箋云。愆。過也。女既過。沈湏矣。又不爲明晦。無有止息也。醉則號呼相徵。用晝日作夜。不視政事。○愆。本又作魯。起連反。號。戶刀反。注同。呼。火胡反。又火故反。注同。崔本作譟。或一本作或號。或呼。卑。必爾反。使也。本亦作俾。後皆同。沈。本或作湛。都南反。不爲。于僞反。

〔疏〕是。文王至作夜。○正義曰。上言任非其人。此言其共從行非度。文王曰咨。咨嗟汝殷商。汝君臣何爲耽荒如

既已愆過於汝之容止。又無明無晦而飲酒不息。及其醉也。用是叫號。用是譟呼。使晝日作夜。不嘗視事。此所以大壞。○箋。天不至行之。○正義曰。酒誥注云。飲酒齊色曰湏。然則湏者顏色湏然齊一之辭。故云天不同汝顏色。亦謂湏爲同色也。湏者人之所爲。非天生之物。聖人用酒。所以祭祀養賢。周公作戒。使德將無醉。是湏然而醉者人自爲之。非天爲之也。

文王曰咨咨女殷商。如蜩如蟪。如沸如羹。

蜩。蟬也。蟪。蟻也。箋云。飲酒號呼之聲。如蜩蟪之鳴。其笑語沓沓。又如湯之沸。羹之方熟。○蜩音條。蟪音唐。沸。方味反。蟪。市延反。字林云。蟪。蟻也。蟪。音偃。蟪屬也。草木疏云。一名蚘蟪。青徐謂之蟪蟪。楚人名之蟪蟪。秦燕謂之蟪蟪。或名之蟪蟪。郭云。俗呼爲胡蟪。江南謂之蟪蟪。沓。徒答反。

小大近喪人尙乎由行

言居人上欲用行是道也。箋云：殷紂之時，君臣失道如此，且喪亡矣。時人化之甚，尙欲從而行之，不知其非。○近喪，附近之近。又如字，注同。

內巽于中國覃及鬼方

○巽、怒也。不醉而怒曰巽。鬼方，遠方也。箋云：此言時人快於惡，雖有不醉，猶好怒也。○巽、皮器反。舊音備。覃，徒南反。伏、市制反。又時設反。說文云：習也。好、呼報反。

〔疏〕

也。文王至鬼方。○毛以爲文王曰咨，咨嗟汝殷商，汝君臣飲酒，其號呼如蜩之聲，如蟬之鳴，言其譴譴之無次也。其笑語如湯之沸，如羹之熱，言其嚙啗無節也。王者所行，無小無大，莫不皆近喪亡，以此行居人之

上。於是猶欲下民用行此道也。由君欲民行，故天下化之。惡及四遠，王初巽然不醉而怒，在於中國，但人皆勸之。此巽然惡行，乃延及中國之外。至於鬼方之遠鄉，言其惡化之廣也。○鄭唯小大近喪，謂君臣失道，近於喪亡。時人化之甚，猶尙於是欲從而行之。言舉世皆不知其惡也。○傳蜩蟬蟪蛄。○正義曰：蜩，蟬也。蛄，蜩也。蜩，時人化之甚，皆蟬也。方語不同，三輔以西爲蜩。梁宋以東謂蜩爲蟪。楚地謂之蛄。楚辭云：蛄蛄鳴兮啾啾。是也。陸機疏云：蜩一名蜩，字林：蜩或作蟪也。青徐人謂之蟪蛄。然則蟪蛄亦蟬之別名耳。○箋飲酒至方熟。○正義曰：文承號呼之下，蜩蟪多聲之蟲，故知號呼之聲如蜩蟪也。沸無食名，故知唯是沸湯羹熟則停。故知其欲熱以羹湯，非蟬之類。故以比笑語。禮有燕笑語兮，但不得啗否無節耳。○傳言居至是道。○正義曰：如傳此言，則以尙爲上，由爲用。言居人上欲用行此道，謂欲使天下民從己之行。○箋殷紂至其非。○正義曰：以言近喪，紂實喪亡。鬼方殷之諸侯，則其言施於紂世。故云殷紂之時，以覃及鬼方，是化流於遠。故易傳以爲時人化之甚，尙欲從而行之，不知其非。由人傲其非，欲從而行之，不知其非，故惡及遠地，爲文之次也。○傳巽怒至遠方。○正義曰：西京賦云：巨靈巽風，以流河曲，則巽者怒而自作氣之貌，故爲怒也。怒不由醉，而云不醉而怒者，以其承上醉事，嫌是醉時之怒，故辨之焉。此雖怒時不醉，乃是醉醒而怒，亦由酒醉所致，故既言飲酒無節，卽又責其巽怒也。中國是九州，覃及是及遠，故知鬼方遠方，未知何方也。易既濟九三：高宗伐鬼方，三年乃克。象曰：懲也。言疲懲而後克之，以高宗之賢，用師三年，懲而乃克，明鬼方是遠國也。

文王曰咨咨女殷商。匪上帝不時。殷不用舊。

箋云。此言紂之亂非其生不得其時。乃不用先王之故法之所致。

雖無老成人。尙有典刑。

箋云。老成人。謂若伊尹。伊陟。臣扈之屬。雖無此臣。猶有常事。故法可案用也。○扈音戶。

曾是莫聽。大命以傾。

箋云。莫、無也。朝廷君臣。皆任喜怒。曾無用典刑治事者。以至誅滅。

〔疏〕

文王至以傾。○正義曰。文王曰咨。咨嗟汝殷商。汝所以將至滅亡者。非爲上帝生之。使不得其時。乃由汝殷紂自不用先王舊故之法所致耳。又言其不用舊故之事。今時雖無年老成德之人。若伊陟之類。猶尙有先

王常事。故法可案而用之。汝今君臣。皆任喜怒。以自專恣。曾於是常事故法。莫肯聽受用之。由此汝之大命。以致傾覆而誅滅。今王何不以紂爲戒。自改悔乎。○箋老成至案用。○正義曰。以殷不用舊章。卽以殷臣言之。故

云。老成人。謂若伊尹。伊陟。臣扈之屬。於厲王則周。召、毛、畢之倫也。君奭曰。在昔成湯既受命時。則有若伊尹。在太甲時。則有若保衡。在太戊時。則有若伊陟。臣扈。巫咸。在祖乙時。則有若巫賢。在武丁時。則有

若甘盤。注云。伊尹名摯。湯以爲阿衡。以尹天下。故曰伊尹。至太甲改曰保衡。則伊尹保衡一人也。伊陟。伊尹之子。據君奭之文。從上言之。盡臣扈三人。以下猶有巫咸。巫賢。甘盤。故言之屬以包之。○箋朝廷至誅滅

○正義曰。以莫爲摯辭。故知朝廷君臣也。不用典刑。則是自制威福。故云皆任喜怒。雲漢云。大命近止。謂民之性命。此言大命以傾。亦謂君臣性命。故云以至誅滅。

文王曰咨咨女殷商人。亦有言顛沛之揭。枝葉未有害。本實先撥。

顛、「仆沛」拔也。」「揭、見根貌」。箋云：揭、蹶貌。撥猶絕也。言大木揭然將蹶，枝葉未折傷，其根本實先絕，乃相隨俱顛拔。喻紂之官職雖俱存，紂誅亦皆死。○顛、都田反。沛音貝。揭、紀竭反。撥、蒲末反。仆、蒲北反。又音赴。拔、皮八反。又半末反。見、賢遍反。謂樹根露見。王如字。言可見。蹶、其厥反。沈居衛反。一音厥。

殷鑒不遠在夏后之世

箋云：此言殷之明鏡不遠也。近在夏后之世。謂湯誅桀也。後武王誅紂。今之王者。何以不用爲戒。○夏、戶雅反。注同。

〔疏〕

文王至之世。○正義曰：文王曰：咨。咨嗟汝殷商。古之賢哲之人。亦有遺言云：樹木將欲顛仆傾拔之時。其根揭然而見。此時枝葉未有折傷之害。而根本實先斷絕。但根本既絕。枝葉亦從而絕。以喻王位將欲傾覆。

喪亡之時。而其勢微弱而危。此時羣臣未有死亡之害。而王身實先誅滅。王身既滅。羣臣亦隨之而滅。汝若不信。則殷之所鑒鏡者非遠耳。止近在往前夏后之世。言桀爲成湯所誅。紂惡亦當爲周人所殺。汝何以君臣同惡。不用典刑也。此意欲令厲王以紂爲鑒。改脩德教故也。○傳顛仆至根貌。○正義曰：顛是倒頓之名。仆是偃偃之義。故以顛爲仆。謂樹倒也。沛者忽遽離本之言。此論木事。故知爲拔謂樹枝也。揭者蹶倒之意。故以爲見根貌。此顛沛之揭。正謂樹將倒拔而已見其根。但未絕耳。○箋揭蹶至皆死。○正義曰：傳言見根。不辨根之所見。故以揭爲蹶貌。蹶謂倒也。樹倒故根見。與傳同。撥者撥去之去其餘根。故云猶絕也。揭實已倒。故云蹶貌。但倒不至地。根猶未盡。故枝葉未有折傷。本實先絕。枝葉乃與根相隨俱拔。喻紂未滅之前。官職雖俱存。紂誅則與之皆死也。稱人亦有言者。牧誓文。亦如此注云以古賢之言爲驗。是苦其不信。故引古以爲證也。

蕩八章章八句

抑衛武公刺厲王亦以自警也。

自警者。如彼泉流。無淪胥以亡。○抑、於力反。抑、密也。警、居領反。

〔疏〕

抑十二章上三章章八句下九章章十句至自警○正義曰。抑詩者。衛武公所作以刺厲王也。雖志在刺王。亦所以自警戒己身。以王之爲惡。將致滅亡。羣臣隨之。已亦淪陷。故箋指而言之。○箋自警至以亡○正義曰。言無如泉水相率俱亡。是則已亦恐亡。自警之意。故以此句當之。楚語云。昔衛武公年九十有五矣。猶箴於國曰。自卿以下。至於師長。苟在朝者。無謂我耄而捨我。於是乎作懿以自儆。章昭云。昭謂懿詩大雅抑之篇也。抑讀曰懿。毛詩序曰。抑。衛武公刺厲王。亦以自警。如昭之言。武公年耄。始作抑詩。案史記衛世家。武公者。僖侯之子。共伯之弟。以宣王「三」十六年卽位。則厲王之世。武公時爲諸侯之庶子耳。未爲國君。未有職事。善惡無豫於物。不應作詩刺王。必是後世乃作。追刺之耳。正經美詩有後王時作以追美前王者。則刺詩何獨不可後王時作而追刺前王也。詩之作者。欲以規諫前代之惡。其人已往。雖欲盡忠。無所裨益。後世追刺。欲何爲哉。詩者人之詠歌。情之發憤。見善欲論其功。觀惡思言其失。獻之可以諷諫。詠之可以寫情。本顧申己之心。非是必施於諫。往者之失。誠不可追。將來之君。庶或能改。雖刺前世之惡。冀爲未然之鑒。不必慮君見在。始得出辭。其人已逝。卽當杜口。雨無正之篇。鄭爲流彘後事。旣出居政不由己。雖欲箴規。亦無所及。此篇彼意。於義亦同。以此知韋氏之言。爲得其實。若然。自警者。羣臣爲惡。恐禍及己。若前人已死。則非禍所及。而箋所以責厲王之臣爲武公自警者。以人之得失。在於朋儕。武公雖非厲王之臣。亦是朝廷之士。淪胥以敗。無世不然。冀望遠彼惡人。免其患禍。雖文刺前朝。實意在當代。故誦習此言。以自肅警。侯包亦云。衛武公刺王室。亦以自戒。行年九十有五。猶使臣日誦是詩。而不離於其側。其意亦取楚語爲說。與韋昭小異。

抑抑威儀維德之隅人亦有言靡哲不愚

抑抑。密也。隅。廉也。靡哲不愚。國有道則知。國無道則愚。箋云。人密審於威儀抑抑然。是其德必嚴正也。古之賢者。道行心平。可外占而知內。如宮室之制。內有繩直。則外有廉隅。今王政暴虐。賢者皆佯愚。不爲容貌。如不肯然。○詰。本又作哲。亦作愬。陟列反。智也。下同。則知音智。

庶人之愚亦職維疾哲人之愚亦維斯戾

職、主、戾、罪也。箋云：庶、衆也。衆人性無知。以愚爲主。言是其常也。賢者而爲愚。畏懼於罪也。

〔疏〕

抑抑至斯戾○正義曰：此時厲王弭謗。賢者佯愚。言人有此抑抑然密審之威儀。維爲德之廉隅矣。言內有其德。則外有威儀。與德之爲廉隅也。若外無威儀。則內無德行。是爲愚人矣。古之賢人有言曰：無道之

世。無有一哲人而不爲愚者。言當時賢哲。皆故毀威儀。而佯爲愚人也。若衆庶凡人之爲此愚。亦主由維有疾病故耳。今哲人之爲此愚。亦維乃畏懼於時之罪戾。非性然也。由王酷虐濫罰無罪。故賢哲之人。皆佯爲愚病。言王虐之甚也。○傳抑抑至則愚○正義曰：抑抑。密。釋訓文。舍人曰：威儀靜密也。隅者角也。廉者稜也。角必有稜。故云廉隅。集注定本。廉下皆無隅字。其義是也。哲者智也。愚者癡也。上智下愚。不移之定分。而云靡哲不愚。故解之云。國有道則智。國無道則愚。論語說寧武子之行爲然也。○箋人密至不肖然○正義曰：此以屋之外角。喻人之外貌。由內方而外正。故觀外而知內。故人能密審於威儀抑抑然。是其德必嚴正也。縣曰：其繩則直。是內有繩直也。斯干曰：如矢斯棘。○「毛以棘爲稜廉。是外有廉隅也。宮室可入內而觀之。人則不可忖度而知之。故言古之賢者可以外占而知內。○傳職主戾罪○正義曰：皆釋詁文。

無競維人。四方其訓之。有覺德行。四國順之。

無競。競也。訓、教、覺、直也。箋云：競、疆也。人君爲政。無疆於得賢人。得賢人則天下教化於其俗。有大德行。則天下順從其政。言在上所以倡道。○行、下孟反。注同。倡、昌亮反。道、徒報反。本亦作導。下教道同。訐謏定命。遠猶辰告。

訐、大、謏、謀、猶、道、辰、時也。箋云：猶、圖也。大謀定命。謂正月始和。布政于邦國都鄙也。爲天下遠圖庶事。而以歲時告施之。○訐、況于反。謏、莫蒲反。沈云：本亦作謏。音莫。爲、于僞反。篇末今我爲王同。敬慎威儀。維民之則。

箋云：則、法也。

〔疏〕

無競至之則○毛以爲上言賢人不用。毀儀佯愚。此言宜用賢者。使之慎儀。言人君爲國。無彊乎維在得其賢人。若得賢人。則國家彊矣。所以得賢則彊者。以此賢人有德。四方之俗。有不善者。其可使此賢人教訓之。此賢人可以教訓者。此賢者有正直大德行。四方之民。得其教化。其皆慕仰而順從之。四方皆順。是爲彊也。又言施教之法。當豫大計謀。定其教命。爲長遠之道。而以時節告民。施之王之朝廷。又當敬慎其舉動威儀。維與下民之爲法則也。言王當如此。不得棄賢不用。使民無所法也。○鄭唯以猗爲圖爲異。餘同。○傳無競至覺直○正義曰。以得賢則彊。而云無競。故知反其言也。訓、教誨之別名。故爲教也。釋詁云。楷、較直也。與覺字異音同。○箋競彊○正義曰。釋言文。○傳訝大至辰時○正義曰。訝、大、謨謀。猗道。皆釋詁文。唯彼猶作繇耳。釋訓云。不辰。不時也。是辰爲時。○箋猗圖至施之○正義曰。以命既是道。故以猗爲圖。既云謀定。而別云時告。則謀定時未告也。太宰職曰。正月之吉。始和。布治於邦國都鄙。乃縣治象之法於象魏。使萬民觀治。象挾日而斂之。小宰職曰。正歲帥治官之屬。而觀治象之法。周禮言正歲者。皆謂夏之正月。太宰言正月懸之。小宰言正歲觀之。則是再懸之也。故彼注云。正月。周之正月也。吉。謂朔日也。太宰以正月朔日。布王治之事於天下。至正歲又書而懸於象魏。使萬民觀焉。周禮六官。其存者五。惟春官無此事。其餘皆有之。唯所主異耳。然春官主禮。周公所制。永爲定法。更不改張。故不須再懸。王之教命。不過六典。和之告之。二時不同。與謀定時告相合。故以大謀定命。謂正月始布政教於邦國都鄙是也。爲天下遠圖庶事。而以歲時告施之。卽正歲懸之象魏是也。邦國謂畿外諸侯。都鄙謂畿內采邑。○

其在于今興迷亂于政顛覆厥德荒湛于酒

箋云。于今。謂今厲王也。興猶尊尚也。王尊尚小人。迷亂於政事者。以傾敗其功德。荒廢其政事。又湛樂於酒。言愛小人之甚。○覆。苦服反。下覆謂覆用。井注同。湛。都南反。注及下同。樂音洛。下文及注同。

女雖湛「樂」從弗念厥紹罔敷求先王克共明刑

紹。繼。共。執。刑。法也。箋云。罔。無也。女君臣雖好樂嗜酒而相從。不當念繼女之後人將微女所爲。無廢索先王之道。與能執法度之人乎。切責之也。○共。九勇反。注同。好。呼報反。嗜。市志反。微。戶教反。索。

所白
反。

〔疏〕其在至明刑○正義曰。上言用賢可使四方順從。此言今之不能也。其在於今之厲王。不能用賢之故。而尊尙其小人。使迷亂於政教。以傾敗其功德。荒廢其政事。又耽樂於酒。是愛小人之甚也。汝雖好耽樂嗜酒而相從。縱令不慚於今時。何故弗念其繼汝之人。不慮子孫將效之也。汝何故無心欲廣索先王之道及能執守明白法度之賢人而用之乎。責其不用賢者。而與小人荒耽。○箋與猶至之甚。○正義曰。興謂舉而用之。故爲尊尙。以覆爲傾敗。故云傾敗其功德。○傳紹繼至刑法。○正義曰。皆釋詁文。唯彼共作拱耳。○

肆皇天弗尙如彼泉流無淪胥以亡。

淪。率也。箋云。肆。故今也。胥。皆也。王爲政如是。故今皇天不高尙之。所謂仍下災異也。王自絕於天。如泉水之流。稍就虛竭。無見率引爲惡。皆與之以亡。戒羣臣不中行者。將并誅之。○淪音倫。

夙興夜寐洒埽庭內維民之章。

洒。灑。章。表也。箋云。章。文章法度也。厲王之時。不恤政事。故戒羣臣掌事者以此也。○洒。色解反。注同。又所寄反。埽。素報反。庭音庭。灑。色蟹反。

脩爾車馬弓矢戎兵用戒戎作用遏蠻方。

邊。遠也。箋云。邊當作別。剔。治也。蠻方。蠻畿之外也。此時中國微弱。〔故復戒將率之臣〕。以治軍實。女當用此備兵事之起。用此治九州之外不服者。○邊。他歷反。沈。一上。益反。復。扶又反。將。子匠反。帥。所類反。本或作率。

〔疏〕肆皇至變方○毛以爲上言王之耽亂。此又乘而責之。言由王耽亂如此。故今皇天不高尙王之所爲。而下此災異。王將自絕於天。如彼泉水之流。稍稍以就虛竭。言今王漸漸將致滅亡也。又告語羣臣。以自警戒。

王既爲惡。汝當行善。無相率率爲惡。皆以滅亡。既不聽爲惡。卽教之行善。當侵早而起。晚夜而寐。洒掃室庭之內。勤行政事。維與民之爲表憲文章。又戒將帥之臣。當脩治汝征伐之車馬。及弓矢與戎兵之器。用以此戒備戎兵動作之處。當征伐之。又用此以驅遠蠻方之來內侵者。當遂令遠去。使不得來侵。○鄭唯用此以治蠻方之外不服者爲異。餘同。○傳淪率。○正義曰。釋言文。○箋肆故至誅之。○正義曰。肆。故今也。胥。皆也。皆釋詁文。天道遠。人道邇。言皇天不高尙。王當有其狀。故知謂仍下災異也。天之爲災。所以譴告王者。冀其改悟。若欲養成其惡。則不復以災告之。今仍有災異。是天未絕於王。但王自絕於天。如彼泉水之流。稍稍就於虛竭也。泉之大者。則流行無窮。小者有時而虛竭。故以比王將至於滅亡。王既有惡。而臣亦同之。是相率爲惡。武公惜其亡而戒之。故知戒羣臣不中行者。恐將并誅之也。及厲王之出。周召共和。是不與同惡。則不誅。○傳洒灑。章表。○正義曰。洒。掃者。以水灑地而掃之。故爲灑。謂洒水濕地也。章者。在人之上。爲之表憲。故云表也。○箋章文。至此。○正義曰。申傳爲表之義。以有文章法度。故得爲民之表也。戒之使爲民之表章。則是戒朝廷大臣。非戒洒掃之人令掃地也。直以厲王之時。不恤政事。王綱不振。戒之使勤於職事。但職事在庭治之。故假庭內不掃。以見職事不理耳。故云戒羣臣掌事者。掌事謂六卿也。○傳邊遠。○正義曰。釋詁文。○箋當至不服者。○正義曰。以用戒戎作。謂兵戎備之。則用邊蠻方。謂遠方不服。則別治之。故知邊當作別。別謂治毛髮。故爲治也。周禮九服六服之內爲中國。七服以外爲夷狄。而第六者。大行人謂之要服。職方氏謂之蠻服。大司馬謂之蠻畿。此經有二義。用戒戎作爲中國。則用別蠻方爲夷狄。且蠻方與彼蠻畿同。故知蠻方是蠻畿之外也。用兵是將帥之事。故知戒將帥之臣以治軍實也。掌主兵事。唯司馬耳。其出師也。則六卿皆爲軍將。此戒將帥摠戒將兵之人。不必獨戒司馬也。軍實者。卽車馬弓矢戎兵是也。弓矢卽戎兵。而又言戎兵。容戈盾矛戟之類。軍之所用皆是。隱五年左傳曰。歸而飲至。以數軍實。楚語曰。射。不過講軍實焉。皆謂兵器也。言汝當用備兵事之起。謂備之於國。隨其所須。中國起者。卽用之也。用此治九州之外不服者。謂治夷鎮蕃三服。大行人既列其服朝見之數。乃云九州之外世一見。是蠻畿以外爲九州之外也。

質爾「人民」謹爾侯度用戒不虞

質。成也。不虞。非度也。箋云。侯。君也。此時萬民失職。亦不肯趨公事。故又戒鄉邑之大夫及邦國之君。平女萬民之事。慎女爲君之法度。用備不億度而至之事。○非度。待洛反。下不億度同。○邦

慎爾出話。敬爾威儀。無不柔嘉。

話、善言也。箋云。言、謂教令也。柔、安、嘉、善也。○話、月快反。○

白圭之玷。尚可磨也。斯言之玷。不可爲也。

玷。缺也。箋云。斯、此也。王之缺。尚可磨鑣而平。人君政教一失。誰能反覆之。○玷、丁簠反。沈丁念反。說文作𠂔。鑣音慮。同。復音服。又豐服反。本亦作覆。

〔疏〕質爾至可爲。○正義曰。此又戒鄉邑大夫。及邦國之君。言汝等當平治汝民人之政事。勅汝爲君之法度。周此以戒備將來不億度之事。謂非常「驚」急。當豫防之。既戒臣事畢。又復諫王。當謹慎爾王所出之教

令。又當恭敬爾在朝之威儀。使教令威儀。無不安審美善。言使之皆安善也。又言教令尤須謹慎。白玉爲圭。圭有損缺。猶尚可更磨鑣而平。若此政教言語之有缺失。則塗往而不可改。爲王者安危。在於出令。故特宜慎之。

○傳質成至非度。○正義曰。釋詁云。質、平、成也。則質者平治成就之義。故傳以爲成。箋以爲平。其意同也。釋言云。虞、度也。不度者。非意所億度之事也。○箋侯君至之事。○正義曰。侯君。釋詁文。詩之所戒。隨失而

言。故知此時萬民失職。故令質爾民人也。不肯趨公事。故令謹爾侯度也。鄉邑之大夫。謂六鄉與公邑。亦可以兼六途與采地也。以所戒者廣。故知亦及邦國之君也。平汝萬民之事。卽教令是也。慎爾爲君之法度。卽威儀是

也。治民卽是爲君。故文筆鄉邑。大夫亦稱君焉。不億度而至之事。謂非常寇盜。君子安不忘危。故常豫戒。○箋言謂至嘉善。○正義曰。以此言人君爲政之事。故知是教令之言。此文雖承戒鄉邑邦國之下。而與下章無易由言

相接。以下皆是言王事。則此慎話敬威儀。是使王身敬慎。非戒臣之辭。柔安。嘉善。皆釋詁文。○箋王之至覆之

經申上慎爾出話之事。上文亦言威儀。不重述者。以言失爲重。故特殷勤之。孝經重述法言。亦此類也。○

無易由言。無曰苟矣。莫捫朕舌。言不可逝矣。